

انگلیس و ایرانین مستقیم رابطه‌لی تازادان باشلادی

انگلیس و ایرانین رابطه‌لی اسفندین اولیندن مستقیم صورتده تازادان باشلاندی. خارجه وزارتین آمریکا و اروپا معاونی، مجید تخت روانچی، ایسنایا دئدی...



همشهری آنلین: انگلیس و ایرانین رابطه‌لی اسفندین اولیندن مستقیم صورتده تازادان باشلاندی. خارجه وزارتین آمریکا و اروپا معاونی، مجید تخت روانچی، ایسنایا دئدی:

اسفندین اولیندن انگلیس و ایرانین رابطه‌سی غیر مقیم کاردار سطحینده و حافظ منافع اولمادان، باشدان باشلاندی.

او آرتیردی: حافظ منافع دفترلرینین باغلانماسی اینن یکی اولکه‌نین رابطه‌سی‌نین مسئولیتی غیر مقیم کاردارلارا تاپیشیریلدی.

روانچی دئدی: انگلیس و ایران پرچم‌لی اسفندین اولیندن بو اولکه‌لرین سفارتخانالاریندا اسماغا باشلایاجاق.

1390-جی ایلین آذر آیی‌نین 8-ده بیر عده معترضین، انگلیسین تهرانداکی سفارتینه داخل اولدوغوندان سونرا انگلیس بیر طرفلی اولراق رابطه‌لی قطع ائله‌دی. اوندان سونرا بو اولکه‌نین دولتی، دیپلوماتلارینی ایراندان خارج ائله‌ماغیندن خبر وئردی و ایرانلی دیپلوماتلاردان 48 ساعت ایچینده انگلیستانا ترک ائله‌ماقلارینی ایسته‌دی.

ایکی اولکه‌نین سفارتی باغلاناندان سونرا، سوئدین تهرانداکی سفارتی، انگلیستانین حافظ منافع، و مقابلده عمانین لندن‌ده‌کی سفارتی ایرانین حافظ منافع اولدو.

ایرانین تازا دولتی ایش اوستونه گلندن سونرا انگلیستانین نخست وزیر ی روحانی‌یه تریک نامه ضمنینده رابطه‌لرین یوکسلمه‌سینه علاقه‌سینی بیلدیردی. اوندان سونرا ایکی اولکه‌نین خارجه ایشلر وزیرلری، محمد جواد ظریف و ویلیام هیگ، سازمان مللین عمومی مجمعینده گؤروشوب اؤز معاونلرینی بو مسأله‌یه مأمور ائله‌دیلر.

لینک مطلب در سایت : <http://torki.tebyan-tabriz.ir/?MID=21&Type=News&id=785>